

BR63

.D8

1876-77

v. 3

c. 1



FONDO EMETERIO
VALVERDE Y TELLEZ

I.

DEUM INVOCANDUM.

[*Carmen Paschale, I. v. 60-102.*]

Omnipotens aeternae Deus, spes unica mundi,
Qui coeli fabricator ades, qui conditor orbis,
Qui maris undisonas fluctu surgente procellas
Mergere vicinae prohibes confinia terrae:
Qui solem redis, et lunam cornibus imple, 5
Inque diem ad noctem lumem metiris utrumque;
Qui stellas numeras, quarum tu nomina solus,
Signa, potestates, cursus, loca, tempora nosti;
Qui diversa novam formasti in corpora terram,
Torpentique solo viventia membra dedisti; 10
Qui pereuntem hominem vetiti dulcedine pomi
Instauras meliore cibo, potuque sacrati

12 *Meliore cibo, in vetere paraphrase legitur, melioris cibi sacramento.*

010044

Sanguinis infusum depellis ab angue venenum;
 Qui genus humanum (praeter quos clauserat arca)
 Diluvi rapida spumantis mole sepultum 15
 Una iterum de stirpe creas, ut mystica virtus,
 Quod carnis delicta necant, hoc praesule ligno
 Mostraret liquidas renovari posse per undas;
 Totum namque lavas uno baptismate mundum:
 Pande, salutarem paucos quae ducit in urbem, 20
 Angusto mihi calle viam, Verbique lucernam
 Da pedibus lucere meis, ut semita vitae
 Ad caulas me ruris agat, qua servat amoenum
 Pastor ovile bonus, qua vellere praevious albo
 Virginis agnus ovis, grexque omnis candidus in-
 (trat. 25
 Te duce, difficilis non est via: subditur omnis
 Imperiis natura tuis; ritumque soluto
 Transit in adversas jussu dominante figuras.
 Si juveas mediis segetes arere pruinis,

20 *Salutaris urbs, id est, coelestis.*

21 22. *Lucerna pedibus meis verbum tuum,
 et lumen semitis meis, PS. CXVIII, 105.*

27 *Ritu, vel lege naturae.*

29 *Arere, pro flavere seu flavescere.*

Messorem producet hiems: si currere mustum 30
 Vernali sub sole velis, florentibus arvis
 Sordidus impressas calcabit vinitor uvas;
 Cunctaque divinis parebunt tempora dictis.
 Iudicio est antiqua fides, et cana priorum
 Testis origo patrum; nullisque abolenda per
 aevum 35
 Temporibus constant virtutum signa tuarum.
 Ex quibus audaci perstringere pauca relatu
 Vix animis committo meis, silvamque patentem
 Ingrediens, aliquos nitor contingere ramos.
 Nam centum licet ora movens, vox ferrea cla-
 met, 40
 Centenosque sonos humanum pectus anhelet,
 Cuncta quis expediet, quorum nec lucida coeli
 Sidera, nec bibulae numeris aequantur arenae?